

KONTROL MOZIOA

Larres ibarraren eta kiroldegiaren inguruan amiantoz kutsatutako lursailekin egiteke daudenei buruzkoa

EH Bildu udal taldeko zinegotzi Zigor Etxeburua Urbizuk mozio hau aurkezten du Udalbatzaren Organo Araudiko 98. artikulua oinarri hartuta, Udalbatzan azter dadin. Mozioaren oinarria 2022ko maiatzaren 16an Garapen eta Lurralde Plangintzako Batzordean aztertutako interpelazioan dago.

JUSTIFIKAZIOA

Amiantoak osasun arazo larriak sorrarazten ditu. Altzan material horrekin kutsatutako lursail zabalak daude, bereziki Larres zelaian, baina baita Berra, Sasuategi, Eguzkitza, Artxipi, Lauazeta edota Marrus inguruetan ere. Hori dela eta, horren eragina jasan duten lurrak eta inguruneak mapa batean zedarrizteko beharra aldarrikatu izan du udal talde honek.

Larres izeneko zelaian kutsadura handiena eta larriena gertatu zen Fibrocementos Vascos SL lantegiaren urtetako jarduerak eraginda (2. itema, fabrikako instalazioen eraispen materialak hartu zituen lursaila; 3. itema, enpresaren industria isurketek erasandako eremua). Hori deskontaminatzeko, eremu zabal bat estali zuen Donostiako Udalak, gainean 176.052 m³ lur garbi isurita, 2018 urtean. Larres ibarreko ingurumena lehengoratzeko proiektua AFESA Medio Ambiente enpresak idatzi zuen, gerora lurzorua azken egoeraren ikerketa egin zuen enpresa berberak¹, baina bere programan² zehazten dituen bi ikerketen berririk ez daukagu, ezta horien inguruan Eusko Jaurlaritzak emandako iritzienik ere. Udal batzordean, EH Bilduk interpelazioa egin zion Udal Gobernuari zer zela-eta oraindik ez dituen eskuratu 2. eta 3. itemei dagozkien lurzorua azken

1

Irragularitasun horren inguruko lege txostena eskatu zuen EH Bildu udal taldeak Elkarrekin Donostia taldearekin batera, Lurzorua kutsatzea saihestu eta kutsatutakoa garbitzeko 4/2015 Legeko 14. artikulua araber, lurzorua berreskuratzeko neurriak bete osteko ikerketa egingo duen baimendutako entitatea ezin baita izan berreskuratze planean ezarriko den metodologiaren arabera neurriak diseinatu, gainbegiratu edo bete dituen entitate bera.

2

ANEJO Nº 7 PROGRAMA DE VIGILANCIA AMBIENTAL

"2.7. SEGUIMIENTO DE LA EVOLUCIÓN POSTERIOR AL RELLENO Una vez ejecutados los trabajos el emplazamiento deberá estar sujeto a un seguimiento de su evolución, en particular en lo que respecta a la estabilidad de los taludes y a la eficacia de la revegetación.

Estabilidad de taludes. Buena parte de los terrenos a cubrir presentan una pendiente significativa, por lo que el proyecto de ejecución ha previsto las medidas de contención adecuadas en cada zona. No obstante, y puesto que el espesor de relleno es uno de los parámetros críticos del proyecto, deberá verificarse que no se producen deslizamientos que pudieran dar lugar a huecos en los que el suelo afectado por la presencia de amianto pudiera quedar al descubierto o insuficientemente protegido.

(...) Al cabo de seis meses y un año tras la finalización del proyecto se redactarán sendos informes que recojan las observaciones y conclusiones del seguimiento. Estos informes se remitirán al órgano ambiental para su evaluación. La necesidad y, en su caso, la periodicidad de inspecciones posteriores se establecerá en función de los resultados y conclusiones del informe anual.

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

egoeraren ikerketen txostenak. Udal Gobernuak erantzun zuen, bi aldiz eskatu badute ere, Eusko Jaurlaritzak informazio osagarria eskatu izan diola, eta azken txostena ez duela emango Altzako kiroldegiaren kanpoko igerilekua amaitu arte. EH Bilduren ustez, beharrezkoa da herritarrei ezagutaraztea lurren egonkortasunaren inguruko Udalak egindako neurketen eta jarraipenen emaitzak.

Era berean, 4. itemean, Larresko ibarreko baratzeetan, uralita zatiak eta amiantodun materialak detektatu ziren, 2021ean, eta eremu horretan zeuden hondakin guztien inbentarioa egin zen: amiantozkoak zein bestelakoak (plastikoak, zurak, bidoiak...). Material kutsatzaileak zeudela egiaztatuta, eremua garbitu eta hesitu egin zen 2021ean. Udal Gobernuak kaleratutako ohar baten arabera, azaleko lurzorua azterketa eta laginketa bat ere egin zen afekzio maila zehazteko, lurrean sakabanatutako plakak ageri baitziren, horietako batzuk zatikatuta eta lurperatuta baratze lanen ondorioz. Edonola, hil honetan, EH Bilduk batzordean ohartarazi zuen ez direla ezagutarazi azaleko lurzorua azterketaren eta proposatutako neurri zuzentzaileen txostenak. Gainera, gogorarazi zuen oraindik berreskuratu gabe dagoela eremu hori eta sasitzak hartu duela. Gobernuak batzordean erantzundakoaren arabera, berriz egingo omen dute laginketa, garbiketa egin ostean norbaitek uralitazko materialak utzi baitzituen eremu horren alboan, legez kanpo. Kontuan izan behar da eremu hori Berra zaharren egoitzaren alboan dagoela, eta horregatik, komeniko litzateke proposatuko den irtenbidea egoitzako erabiltzaileen eta euren senideen mesederako ere izatea; EH Bilduren ustez, irtenbide egokia litzateke Larreseko parke berriari jarraipena ematea, 4. itema berreskuratuta, Berra egoitzaraino.

Gainera, Harri Berri ikastetxearen eta kiroldegiaren artean ere, bi eremutan (5. eta 6. itemak) amiantoak lurzoruan eragindako kutsadura nabarmena antzeman zen. 2019ko martxoan, Udal Gobernuak jakinarazi zuen 5. itema lurrez estali eta hesitu egin zuela; 6. itema 2021eko maiatzean hesitu zuen. Geroztik, eremu hori guztia sasitzak hartu du. EH Bilduk galdetuta, Udal Gobernuak jakinarazi zuen Eusko Jaurlaritzak prestatzen ari dela bi eremu horien inguruko txostena, eta emango dituen irizpideak txertatu egingo dituela eremu hori berrurbanizatzeko moldatzen ari den proiektuan. Edonola, kontuan izan behar da Harri Berri ikastetxeak zuzenki jasan dituela kalteak amiantoz kutsatutako lursailen eragina dela eta. Horregatik, beharrezkoa iruditzen zaigu ikastetxeko hezkuntza komunitatearen iritzia ere kontuan izatea, bi item horiek berreskuratzeko proposamenak egiteko garaian.

Horregatik, behean sinatzen duen zinegotziak honako KONTROL MOZIO hau aurkezten du:

KONTROL MOZIOA

1. Donostiako Udalbatzak hertsatuki eskatzen dio Udal Gobernuari herritarrei ezagutarazteko 2. eta 3. itemak estali ondorengo lurren inguruko neurketen eta jarraipenen emaitzak.
2. Donostiako Udalbatzak hertsatuki eskatzen dio Udal Gobernuari azter dezala Berra zentroko erabiltzaileekin eta haien senideekin 4. itemerako irtenbide bat, barneratuko duena Larres parkearen jarraipena, eta Berra zentroko erabiltzaileen beharrak txertatzeko modua.
3. Donostiako Udalbatzak hertsatuki eskatzen dio Udal Gobernuari kontuan izan dezala Harri Berri ikastetxeko hezkuntza komunitatearen iritzia ere, 5. eta 6. itemak berreskuratzeko irtenbidea ikastetxearen mesederako ere izan dadin.
4. Donostiako Udalbatzak hertsatuki eskatzen dio Udal Gobernuari eskegi dezala, Donostiako Udalaren webgunean, kutsatutako lurzoruen inguruko informazio eguneratua, hala nola Alternatiben Azterketak edota lurzoruen azken egoeraren ikerketen txostenak.

Donostian, 2022ko maiatzaren 20an.

Zigor Etxeburua Urbizu
EH Bildu udal taldeko zinegotzia